

古
史
紀
年

古史紀年卷十一

閩中林春溥鑑塘纂

成王下

八年春正月王初蒞阼親政

書孔傳曰周公既致政成王恐其怠忽故以君臣立政
爲戒立政曰周公若曰拜手稽首告嗣天子王矣用咸
戒于王曰王左右常伯常任準人綴衣虎賁周公曰鳴
呼休茲知恤鮮哉古之人迪惟有夏乃有室大競籲俊
尊上帝迪知忱恂于九德之行亦越成湯陟丕釐上帝
之耿命乃用三有宅克卽宅曰三有俊克卽俊嚴惟不
式克用三宅三俊嗚呼其在受德替惟羞刑暴德之人
同于厥邦乃惟庶習逸德之人同于厥政帝欽罰之乃

倂我有夏式商受命奄旬萬姓亦越文王武王克知三
有宅心灼見三有俊心以敬事上帝立民長伯立政任
人準夫牧作三事虎賁綴衣趣馬小尹左右攜僕百司
庶府大都小伯藝人表臣百司太史尹伯庶常吉士司
徒司馬司空亞旅夷微盧烝三亳阪尹嗚呼繼自今我
其立政立事準人牧夫我其克灼知厥若不乃俾亂相
我受民和我庶獄庶慎時則勿有閒之國則罔有立政
用儉人其惟吉士用勸相我國家其克詰爾戎兵以陟
禹之迹方行天下至于海表罔有不服以覲文王之耿
光以揚武王之大烈嗚呼繼自今後王立政其惟克用
常人周公若曰太史司寇蘇公式敬爾由獄以長我王
國茲式有愼以列用中罰周書序曰成王訪周公以民

事周公陳六徵以觀察之作官人王曰嗚呼大師朕維
民務官論用有徵觀誠者言視聲觀色觀隱揆德可得
聞乎周公曰亦有六徵嗚呼乃齊以揆之一曰富貴者
觀其有禮施貧賤者觀其有德守嬖寵者觀其不驕奢
隱約者觀其不懼懼其少者觀其恭敬好學而能悌其
壯者觀其廉潔務行而勝私其老者觀其思慎彊其所
不足而不踰父子之間觀其孝慈兄弟之間觀其和友
君臣之間觀其忠惠鄉黨之間觀其信誠省其居處觀
其義方省其喪哀觀其貞良省其出入觀其交友省其
交友觀其任廉設之以謀以觀其智示之以難以觀其
勇煩之以事以觀其治臨之以利以觀其不貪濫之以
樂以觀其不荒喜之以觀其輕怒之以觀其重醉之酒

以觀其恭從之色以觀其常遠之以觀其不二昵之以
觀其不狎復微其言以觀其精曲省其行以觀其備此
之謂觀誠二曰方與之言以觀其志志殷以淵其氣寬
以柔其色儉而不詔其禮先人其言後人見其所不足
曰日益者也好臨人以色高人以氣賢人以言防其所
不足發其所能曰日損者也其貌直而不止其言正而
不私不飾其美不隱其惡不防其過曰有質者也其貌
曲媚其言工巧飾其見物務其小證以故自說曰無質
者也喜怒以物而色不變煩亂以事而志不營深導以
利而心不移臨懾以威而氣不卑曰平心而固守者也
喜怒以物而心變易煩亂以事而志不治導之以利而
心遷移臨懾以威而氣慄懼曰鄙心而假氣者也設之

以物而數決敬之以卒而度應不文而辯曰有慮者也
難決以物難說以守

大義作難說以言

一而不可變困而不知

止曰愚依人也營之以物而不誤犯之以卒而不懼置
義而不可遷臨之貨色而不過曰果敢者也移易以言
志不能固已諾無決曰弱志者也順予之弗爲喜非奪
之弗爲怒沈靜而寡言多稽而險貌曰質靜者也屏言
而弗顧自順而弗讓非是而彊之曰妒誣者也微而能
發察而能深寬順而恭儉溫柔而能斷果敢而能屈曰
志治者也華廢而誣巧言令色皆以無爲有者也此之
謂考言三曰誠在其中必見諸外以其聲處其氣氣初
生物物生有聲聲有剛柔清濁好惡咸發于聲心氣華
誕者其聲流散心氣順信者其聲順節心氣鄙戾者其

聲醒醜心氣寬柔者其聲溫信氣中易義氣時舒和
氣簡備勇氣壯力聽其聲處其氣考其所爲觀其所由
以其前觀其後以其隱觀其顯以其小占其大此之謂
視聲四曰民有五氣喜怒哀懼憂喜氣內蓄雖欲隱之
陽喜必見怒氣內蓄雖欲隱之陽怒必見欲氣懼氣憂
悲之氣皆隱之陽氣必見五氣誠于中發形于外民情
不可隱也喜色猶然以出怒色薦然以侮欲色嫗然以
愉懼色薄然以下憂悲之色瞿然以靜誠智必有難盡
之色誠仁必有可尊之色誠勇必有難懾之色誠忠必
有可新大戴作親之色誠潔必有難汙之色誠靜必有可信
之色質浩然固以安僞蔓然亂以煩雖欲改之中色弗
聽此之謂觀色五曰民生則有陰有陽人多隱其情飾

其僞以攻其名有隱于仁賢者有隱于智理者有隱于
文藝者有隱於廉勇者有隱於忠孝者有隱於交友者
如此不可不察也小施而好德與得同小讓而爭大言願
與愿同以爲質僞愛以爲忠尊其德以改其名如此隱於
仁賢者也前總唱功慮誠弗及佯爲不言內誠不足色
示有餘自順而不讓措辭而不遂此隱於智理者也動
人以言竭而弗終問而不對佯爲不窮口貌而有餘假
道而自順因之口初窮則託深如此者隱於文藝者也
口言以爲廉矯厲以爲勇內恐外誇亟稱其說以詐臨
人如此隱於廉勇者也自事其親而好以告人飾其見
物不誠於內發名以事親自以名私其身如此隱於忠
孝者也比周以相譽知賢可徵而左右不同而交交必

重己心說而身弗近身近而實不至懼不盡見於衆而貌克如此隱於交友者也此之謂觀隱六曰言行不類終始相悖外內不合雖有假節見行曰非成質者也言忠行夷爭靡及私□弗求情忠而寬貌莊而安曰有仁者也事變而能治效窮而能達措身立方而能遂曰有知者也少言以行恭儉以讓有知而言弗發有施而□弗德曰謙良者也微忽之言久而可復幽閒之行獨而弗克其行亡如存曰順信者也貴富恭儉而能施嚴威有禮而不驕曰有德者也隱約而不懼安樂而不奢勤勞而不變喜怒而有度曰有守者也直方而不毀廉潔而不戾彊立而無私曰有經者也虛以待命不召不至不問不言言不過行行不過道曰沈靜者也忠愛以事

親驩以盡力而不同敬以盡力而不□曰忠孝者也合
志而同方共其憂而任其難行忠信而不疑□隱遠而
不舍曰交友者也志色辭氣其人甚偷進退多巧就人
甚數辭不至少其所不足謀而不已曰僞詐者也言行
亟變從容克易大戴作謬易好惡無常行身不篤曰無誠者
也少知而不大決少能而不大成規小物而不知大倫
曰華誕者也規諫而不類道行而不平曰竊名者也故
曰事阻者不夷時□者不回面譽者不忠飾貌者不靜
假節者不平多私者不義揚言者寡信此之謂揆德

命魯侯禽父齊侯伋遷庶殷于魯

左傳子魚曰成王分魯公以大路大旂夏后氏之璜封
父之繁弱殷民六族條氏徐氏蕭氏索氏長勺氏尾勺

氏使帥其宗氏輯其分族將其類醜以法則周公用卽
命于周是使之職事于魯以昭周公之明德分之土田
陪敦祝宗卜史備物典策官司彝器因商奄之民命以
伯禽而分于少皞之虛啟以商政疆以周索案齊與魯
衛皆封於
武王時至是滅蒲姑而益封齊滅三監而益封衛滅奄
而益封魯六族之分卽遷庶殷之事也時太公猶在而
伯爲齊侯者盧文弼謂周公封魯太公封齊皆其
子之國而身留京師故有三年報政之語是已史記
曰周封五等公侯伯子男然封伯禽康叔於魯衛地各
四百里親親之義褒有德也

作象舞

呂氏春秋曰成王立殷人反王命周公踐伐之商人服
象爲虐於東夷周公遂以師逐之至於江南乃爲三象
以嘉其德淮南子曰周人之
樂大武三象舞下詩序曰維清奏象舞也維

清緝熙文王之典肇禋迄用有成維周之禎

申培說以爲宋文王

於明堂而奏象舞之詩

墨子曰成王因先王之樂命曰騶虞

紀開

曰豈卽詩騶虞歟

冬十月王師滅唐遷其民于杜

左傳范宣子曰昔句之祖自虞以上爲陶唐氏在夏爲

御龍氏在商爲豕韋氏在周爲唐杜氏

杜預曰唐杜二國名殷末豕韋

國於唐周成王滅唐遷之於杜爲杜伯今京兆杜縣括地志曰故唐城在絳州翼城縣西二十里卽堯裔子所封

九年春正月有事于太廟初用勺

詩序曰有瞽始作樂而合乎祖也有瞽有瞽在周之庭

設業設簋崇牙樹羽應田縣鼓執磬祝圉旣備乃奏簫

管備舉嗶嗶厥聲肅離和鳴先祖是聽我客戾止永觀

厥成

世本古義曰有魯成王大禘也合諸樂於太廟奏

以定為大禘者以楚茨禘嘗之詩也紀述其事此詩之所

語信南山禘烝之詩也則有是烝是享之文而此詩但

春正月有事先祖是聽而已非大禘而何竹書成王九年

繁露曰周公輔成王作汜樂以奉天

肅慎氏來朝王使榮伯錫肅慎氏命

書序曰成王既伐東夷肅慎來賀王俾榮伯作賄肅慎

之命史記肅作息肅亡○疏曰榮國名周同姓諸侯為王卿士

十年王命唐叔虞為侯

史記曰唐叔虞者周武王子而成王弟初武王與叔虞

母會時夢天謂武王曰余命女生子名虞余與之唐

子產曰當武王邑姜方震大叔夢帝謂已余命而子曰虞將與之唐屬諸參而蕃育其子孫及生子

文在其手曰虞故遂因命之曰虞武王崩成王立唐有

亂周公誅滅唐成王與叔虞戲削桐葉為珪以與叔虞

曰以此封若史佚因請擇日立叔虞呂覽說苑並云周公請之成王

曰吾與之戲耳史佚曰天子無戲言言則史書之禮成

之樂歌之於是遂封叔虞於唐晉語叔向曰昔在堯君

為大甲以封于晉姜氏曰晉之始封也歲在大火關伯

之星也實紀商人商人饗國三十一王誓史之記曰唐

叔之世將如商數唐在河汾之東方百里詩譜曰其封域在禹

西太原大岳之野故曰唐叔虞姓姬氏字子千左傳子魚曰分

唐叔以大路密須之鼓闕鞏姑洗左傳周景王曰密須

以大蒐也闕鞏之甲武所以克商懷姓九宗職官五正

命以唐誥而封于夏虛啟以夏政疆以戎索

越裳氏來朝

說苑曰成王時有三苗貫桑而生同為一秀大幾盈車

民得而上之成王成王問周公此何也周公曰三苗同

秀爲一意天下其和而爲一乎書大傳曰拔而後三年貢之文王之廟

周越裳氏重譯而朝書大傳曰周公居攝六年越裳以三象重九譯而獻白雉古今注曰

貢白雉一黑雉二象牙一曰道路悠遠山川阻深恐一使之不通故

重三譯而來朝也周公曰德澤不加則君子不饗其質

政令不施則君子不臣其人譯曰吾受命於吾國之黃

髮久矣天之無烈風淫雨書大傳作別風淫雨韓詩外傳作天之不迅風疾雨也海

不波溢也三年於茲矣意中國有聖人邪有則盍朝之然後周公

敬受其所以來矣大傳曰周公乃歸之於王稱先王之神以薦於宗廟琴操曰遂受之獻於

文王之廟新語曰周公躬行禮義郊祀后稷越裳奉貢重譯而臻麟鳳草木緣化而應論衡曰周時天下太平

越裳獻白雉倭人貢莞草述異記曰周成王時東夷進六角牛古今注曰使者逃其歸

路周公錫以文錦二疋駟車五乘皆爲司南之制使越

袁氏載之以南緣扶南林邑海際暮年而至其國

附錄泥離來朝增

拾遺記曰成王卽政三年有泥離之國來朝王接以外賓禮也

周文公出居于豐

書大傳曰周公以成王之命殺祿父三年之後周公老

於豐案三年公方攝政此當有誤心不敢遠成王而欲事文武之廟

十一年春正月王如豐

書序曰周公作無逸周公曰嗚呼君子所其無逸先知

稼穡之艱難乃逸則知小人之依周公曰繼自今嗣王

則其無浮于觀于逸于遊于田以萬民惟正之供無皇

曰今日耽樂乃非民攸訓非天攸若時人不則有愆無

若殷王受之逃亂酈于酒德哉周公曰嗚呼自殷王中
宗及高宗及祖甲及我周文王茲四人迪哲厥或告之
曰小人怨汝詈汝則皇自敬德厥愆曰朕之愆允若時
不啻不敢含怒周公曰嗚呼嗣王其監于茲大紀繫之
十一年以

為君奠立政洛誥諸篇周公於成王皆有冲
孺幼小之稱而無逸獨無知其為最後也

唐叔獻嘉禾王命唐叔歸禾于周文公

魯世家曰諸侯咸服宗周天降祉福唐叔得禾

書序作
康叔下

同異母同類

書序作
異故

獻之成王成王命唐叔以餽周公

於東土作餽禾

書序作
歸禾

周公既受命禾嘉天子命

嘉序
作旅

周紀作嘉禾

周本紀曰唐叔得嘉穀成王以歸周公於
作魯作嘉禾兵所初管蔡畔周周公討之三年而畢定

故初作大誥次作微子之命次歸禾次嘉禾次康誥酒
誥序局案唐叔之封後於康叔周公東征時叔虞尚未

封唐安得有唐叔歸
禾之事其誤無疑

○旃塗國獻鳳雛

見拾遺記在成王卽政四年

王命周平公治東都

原註約案周平公卽君陳周公之子伯禽之弟案說本鄭康成

書序曰周公既沒

與紀年異

命君陳分正東郊成周作君陳

王若曰君陳惟爾令德孝恭惟孝友于兄弟克施有政

命汝尹茲東郊敬哉昔周公師保萬民民懷其德往慎

乃司茲率厥常懋昭周公之訓惟民其乂

十二年王師燕師城韓王錫韓侯命

左傳富辰曰刊晉應韓武之穆也水經注曰聖水徑方

城縣故城北又東南徑韓城東詩溥彼韓城燕師所完

王錫韓侯其追其貊奄受北國王肅曰今涿郡方城縣

有韓侯城郡縣志曰方城故城在涿州固安縣南十七

里

十三年王師會齊侯魯侯伐戎

附錄

燃丘之國獻比翼鳥雌雄各一

見拾遺記在成王即政六年

十四年齊師圍曲城克之

舊作秦師誤時秦尚未封也今正

晏子春秋曰先君丁公伐曲城勝之郡國志曰東萊有

曲城

冬洛邑告成

周書作雒曰城方千七百二十丈郭方七十里

博物志作一十里

里南繫于洛水北因于邾山以為天下之大湊

郡國志曰河南

周公時所城洛邑也春秋時謂之王城京城門名鼎門北城門名乾祭

制郊甸方六百里

詩譜曰王者周東都王城畿內方六百里之地其封城在禹貢豫州太華外方之間北得河陽漸冀州之南

國西土為方千里

地理志曰初維岳與宗周通封畿東西長而南北短短長相覆為千里

分以百縣縣有四郡郡有四鄙大縣城方王城三之一

小縣立城方王城九之一都鄙不過百室以便野事農
居鄙得以庶士士居國家得以諸公大夫凡工賈胥市
臣僕州里俾無交爲乃設正兆于南郊以祀上帝配以
后稷日月星辰先王皆與食封人社壇諸侯受命于周
乃建大社于國中其壇東青土南赤土西白土北驪土
中央壘以黃土將建諸侯壘取其方一面之土燾以黃
土苴以白茅以爲土封故曰受列土于周室乃位五官
太廟宗宮考宮路寢明堂咸有四阿反坫重亢重卽常
累復格藻梲設移旅楹春常畫旅內階元階堤唐山廡
應門庫臺元閭

十八年春正月王如洛邑定鼎

左傳王孫滿曰成王定鼎于郊

史記曰卒營築居九鼎焉曰此天下之中

四方入貢道里均水經注引京相璠曰邾山名邾地名也卜年定鼎為王之東都謂之新邑是為王城其城東南名曰鼎門蓋九鼎所卜世三十卜年七百天所命也從入也故謂是地鼎中

鳳凰見遂有事于河

原註周公旦攝政七年制禮作樂神鳥鳳凰見莫莢生

乃與成王觀于河洛沈璧王退俟于日昃宋符瑞志作至于日昧

榮光並出幕河青雲浮至青龍臨壇銜元甲之圖坐之

而去禮于洛亦如之元龜青龍止于壇背甲刻書赤文

成字周公援筆以世文寫之書成文消龜墮甲而去其

言自周公迄于秦漢盛衰之符據此知非麒麟遊苑鳳

凰翔庭成王援琴而歌曰鳳凰翔兮於紫庭余何德兮

以感靈賴先王兮恩澤臻于胥樂兮民以寧亦見宋符瑞志樂錄

以此歌為神鳳操

十九年王巡狩侯甸方岳召康公從

管子曰成王封泰山禪社首史記曰周德之治維成王
成王之封禪則近之矣

歸于宗周遂正百官

史記曰既紂殷命襲淮夷歸在豐作周官

本書序

與王禮

樂度制於是改而民和睦頌聲興書周官曰惟周王撫
萬邦巡侯甸四征弗庭綏厥兆民六服羣辟罔不承德
歸于宗周董正治官王曰若昔大猷制治于未亂保邦
于未危曰唐虞稽古建官惟百內有百揆四岳外有州
牧侯伯庶政惟和萬國咸寧夏商官倍亦克用乂明王
立政不惟其官惟其人今予小子祇勤于德夙夜不逮
仰惟前代時若訓迪厥官立太師太傅太保茲惟三公

論道經邦變理陰陽官不必備惟其人少師少傅少保
曰三孤貳公安化寅亮天地弼予一人冢宰掌邦治統
百官均四海司徒掌邦教敷五典擾兆民宗伯掌邦禮
治神人和上下司馬掌邦政統六師平邦國司寇掌邦
禁詰姦慝刑暴亂司空掌邦土居四民時地利六卿分
職各率其屬以倡九牧阜成兆民六年五服一朝又六
年王乃時巡考制度于四岳諸侯各朝于方岳大明黜
陟

黜豐侯

左傳富辰曰畢原豐郇文之昭也

杜註豐國在路史注始平郿縣東

曰三禮圖云射爲罰爵之豐作人形豐國名其君以酒
亡國戴孟以戒酒故崔駟酒箴云豐侯沈酒荷鬯負缶

自僂於世圖形戒後

二十二年除治象

史記曰成康之際天下安寧刑錯四十餘年不用世紀曰周公相成王致治刑錯民口千三百七十一萬四千九百二十三人周之極盛也

周文公薨于豐

淮南子曰周公事文王也行無專制事無由己身若不能勝衣言若不出口其奉持於文王洞洞屬屬如將不能恐失之可謂能子矣武王崩成王幼少周公繼文王之業履天子之籍聽天下之政平夷狄之亂誅管蔡之罪負展而朝諸侯誅賞制斷無所顧問威動天地聲懾四海可謂能武矣成王既壯周公屬籍致政北面委質而

臣事之請而後爲復而後行無擅恣之志無矜伐之色
可謂能臣矣故一人之身而三變者所以應時矣

二十二年葬周文公于畢

史記曰周公在豐病將沒曰必葬我成周以明吾不敢

離成王周公既卒

應劭曰周公年九十九

成王亦讓葬周公于畢

括地志曰周公墓在雍州咸陽北十三里畢原上

從文王以示予小子不敢臣

周公也

書序曰周公在豐將沒欲葬成周公薨王葬于畢告周

公作將毫姑篇亡於是成王

乃命魯得郊祭文王魯有天子禮樂者以褒周公之德

也

大傳略同案史記於周公卒後敘入金滕風雷之變與前後絕不相因師古引書大傳以爲周公死天雷

雨以風成王乃不葬周公於成周而葬之於畢至漢書梅福直謂成王以諸侯祔葬周公而皇天動威雷風著

災論衡稱儒者之說亦然大抵金滕必多作僞故傳聞之異如此

二十三年夏六月

皇

大禘于周公廟

舊在十三年時周公未薨必誤也今據此

禮明堂位曰成王以周公爲有勲勞于天下是以封周公於曲阜地方七百里革車千乘命魯公世世祀周公以天子之禮樂是以魯君孟春乘大路載弧觶旂十有二旒日月之章祀帝於郊配以后稷天子之禮也季夏六月以禘禮祀周公於太廟牲用白牡尊用犧象山罍鬱尊用黃目灌用玉瓚大圭薦用玉豆雕簋爵用玉琖仍雕加以璧散璧角俎用梲蔽升歌清廟下管象朱干玉戚冕而舞大武皮弁素積裼而舞大夏凡四代之服器官魯兼用之是故魯王禮也天下傳之久矣

二十四年於越來賓

二十五年王大會諸侯于東都四夷來賓

周書序曰周室旣寧八方會同各以其職來獻欲垂法

厥後作王會成周之會墀上張赤帟陰羽天子南面立
纁無繁露朝服八十物摺珽唐叔荀叔周公在左太公
望在右皆纁亦無繁露朝服七十物摺笏旁天子而立
于堂上堂下之右唐公虞公南面立焉堂下之左殷公
夏公立焉皆南面纁有繁露朝服五十物皆摺笏阼階
之南祝淮氏榮氏次之珪瓚次之皆西面彌宗旁之爲
諸侯有疾病者之醫藥所居相者太史魚大行人皆朝
服有繁露堂下之東面郭叔注郭叔也掌爲天子棗幣焉纁
有繁露內臺西面正北方應侯曹叔伯舅中舅比服次
之要服次之荒服次之西方東面正北方伯父中子次
之方千里之內爲比服方二千里之內爲要服方三千
里之內爲荒服是皆朝于內者堂後東北爲赤帟焉浴

盆在其中其西天子車立馬乘六青陰羽鳧旌中臺之

外其右泰士臺右彌士受贄者八人東面者四人陳幣

當外臺天元毘宗馬十二王元繚璧綦十二參方元繚

璧豹虎皮十二四方元繚璧琰十二外臺之四隅張赤

帟為諸侯欲息者皆息焉命之曰爰聞周公旦鄭環曰當作問

公平主東方所之青馬黑氈謂之母兒其守營牆者衣青

操弓執矛西面者正北方稷慎大塵穢人前兒前兒若

行聲似良夷在子在子口身人首脂其腹揚州禹禹魚

解隃冠發人麀麀者若俞人雖馬注雖馬嵩如馬一青

丘狐九尾周頭輝羗羗羗也黑齒白鹿白馬白民乘黃

乘黃者似驢背有兩角東越海食歐人蟬蛇蟬蛇食之美於越納姑妹

珍且甌文蜃共人元貝海陽大蟹自深桂會稽以輶案

皆西嚮正北方義渠以茲白茲白者若白馬央林以

會耳會耳者身若虎豹尾長參其身食虎豹注央林戎

氏國有珍獸大若虎五彩畢具尾長於身名曰騶吾乘

之曰行千里郭注六韜云紂囚文王閔天之徒詣林氏

國求得此獸獻之紂周書曰夾林會耳大傳謂之倕獸

書大傳曰西伯囚縻里散宜生之於陵氏取怪獸大不

辟虎狼間尾倍其身名曰虞據此則西耳即北唐以閭

駒虞而夾林於陵氏並央林之異文也

問冠似渠叟以勍犬勍犬者露犬也樓煩以星施星施者

陶冠陶冠者牛區陽以鼂封鼂封者若規規

卜盧以純牛純牛者牛區陽以鼂封鼂封者若規規

以麟麟者仁西申以鳳鳥鳳鳥者戴仁氏羌以鸞鳥巴

人以比翼鳥方煬以皇鳥蜀人以文翰文翰者方人以

孔鳥卜人以丹沙盧文昭曰夷用闢木注木生水中色

鐵康民以桴苡桴苡者其實如州靡費費其形人身反

上肩翕其目食人李食之宜子都郭生生欺羽人生生若黃狗奇幹善

北方謂之吐噎

芳

善芳者頭若雄雞

皆東嚮北方臺正東高夷

通高句

嘽羊

嘽羊者羊四角

獨鹿叩叩

鹿善走也

孤竹距虛

距虛野獸

不令支元獬不屠何青熊東胡黃熊山戎戎菽其西殷

吾白虎屠州黑豹禺氏駒駝大夏茲白牛

茲白牛其獸也牛形而泉

犬戎文馬

文馬赤鬣編身目若黃金名古黃之乘

數楚每牛

每牛者牛之小者也

匈奴狡犬

狡犬者巨身四足果

皆北嚮權扶玉目白州比閭

比閭者其

車若羽伐其木以爲車終行不敗

禽人管路人大竹長沙鼃其西魚復

鼓鐘鐘牛戀場之翟倉吾翡翠

翡翠者所以取羽

其餘皆可知

自古之政南人至北皆北嚮

冬十月歸自東都大事于大廟

春秋文二年公羊傳曰大事者何大禘也毀廟之主陳

于太祖未毀廟之主皆升合食于太祖詩序曰雖禘太

祖也有來雖匪至止肅肅相維辟公天子穆穆於薦廣
牡相予肆祀假哉皇考綏予孝子宣哲維人文武維后
燕及皇天克昌厥後綏我耆壽介以繁祉既右烈考亦
右文母

三十年離戎來賓

原註約案離戎驪山之戎也爲林氏所伐

周書曰昔有林氏召離戎

之君而朝之至而不禮留而弗親離戎逃而去之林氏誅之天下叛林氏告于成王

三十三年王遊于卷阿召康公從歸于宗周

詩序曰卷阿召康公戒成王也言求賢用吉士也有卷
者阿颿風自南豈弟君子來游來歌以矢其音伴魚爾
游矣優游爾休矣豈弟君子俾爾彌爾性似先公曾矣
爾土宇販章亦孔之厚矣豈弟君子俾爾彌爾性百神

爾主矣爾受命長矣第祿爾康矣豈第君子俾爾爾
性純嘏爾常矣有馮有翼有孝有德以引以翼豈第君
子四方爲則顒顒卬卬如圭如璋令聞令望豈第君子
四方爲綱鳳凰于飛翯翯其羽亦集爰止藹藹王多吉
士維君子使媚于天子鳳凰于飛翯翯其羽亦傳于天
藹藹王多吉人維君子命媚于庶人鳳凰鳴矣于彼高
岡梧桐生矣于彼朝陽萃萃萋萋離離喈喈君子之車
旣庶且多君子之馬旣閑且馳矢詩不多維以遂歌

命王世子釗如房逆女房伯所歸于宗周

鄭環曰房姓古所祁通刊朱

之後伯所
房之長女

三十四年雨金于咸陽

原註約案咸陽天雨金

述異記曰周成王時咸陽有雨金原

三年

國有大喪

三十七年夏四月乙丑王陟

經世前編亦云三十七年三統歷大衍歷作周公七年成

王三十年通志引鄭元曰成王二十八年或云四十七年

書序曰成王將崩命召公畢公率諸侯相康王作顧命

維四月哉生魄王不懌甲子

孔傳曰十六日

王乃洮頰水相被

冕服憑玉几乃同召太保奭芮伯彤伯畢公衛侯毛公

師氏虎臣百尹御事王曰嗚呼疾大漸惟幾病日臻既

彌留恐不獲誓言嗣茲予審訓命汝昔君文王武王宣

重光奠飴陳敘則肄肄不違用克達殷集大命在後之

侗敬迓大威嗣守文武大訓無敢昏逾今天降疾殆弗

興弗悟爾尙明時朕言用敬保元子釗宏濟于艱難柔

遠能題安勸小大庶邦思夫人自亂于威儀爾無以釗

冒貢于非幾茲既受命還出綴衣于庭越翼日乙丑

日王崩太保命仲桓南宮毛俾爰齊侯呂伋以二千戈

虎賁百人逆子釗于南門之外延入翼室恤宅宗丁卯

日十九命作冊度越七日癸酉_{二十}伯相命士須材狄設

黼展綴衣牖閒南嚮敷重篋席黼純華玉仍几西序東

嚮敷重底席綴純文貝仍几東序西嚮敷重豐席畫純

雕玉仍几西夾南嚮敷重筍席元粉純漆仍几越玉五

重陳寶赤刀大訓_中璧琬琰在西序大玉夷玉天球河

圖在東序允之舞衣十貝鼗鼓在西房兌之戈和之弓

垂之竹矢在東房大輅在賓階面綴輅在阼階面先輅

在左塾之前次輅在右塾之前二人雀弁執惠立于畢

門之內四人綦弁執戈上刃夾兩階阼一人冕執劉立

于東堂一人冕執鉞立于西堂一人冕執戣立于東垂
一人冕執瞿立于西垂一人冕執銳立于側階王麻冕
黼裳由賓階降卿士邦君麻冕蟻裳入卽位太保太史
太宗皆麻冕彤裳太保承介圭上宗奉同瑄由阼階降
太史秉書由賓階降御王冊命曰皇后憑玉几道揚末
命命汝嗣訓臨君周邦率循大卞燮和天下用答揚文
武之光訓王再拜與答曰眇眇予末小子其能而亂四
方以敬忌天威乃受同瑄王三宿三祭三咤上宗曰饗
太保受同降監以異同秉璋以酢授宗人同拜王答拜
太保受同祭噲宅授宗人同拜王答拜太保降收諸侯
出廟門俟王出在應門之內

自此以下古文分爲康王之誥今案文勢相承宜從

伏生合作一篇爲是

太保率西方諸侯入應門左畢公率東方諸

侯入應門右皆布乘黃朱賓稱奉圭兼幣口一二百齒
敢執壤奠皆再拜稽首王義嗣德答拜太保暨尚伯咸
進相揖皆再拜稽首曰敢敬告天子皇天改大邦殷之
命惟周文武誕受美若克恤西土惟新陟王畢協賞罰
戡定厥功用敷遺後人休今王敬之哉張皇六師無壞
我高祖寡命王若曰庶邦侯甸男衛惟予一人釗報詰
昔君文武丕平富不務咎底至齊信用昭明于天下則
亦有熊羆之士不二心之臣保乂王家用端命于上帝
皇天用訓厥道付畀四方乃命建侯樹屏在我後之人
今予一二伯父尚胥顧綏爾先公之臣服于先王雖
爾身在外乃心罔不在王室用奉恤厥若無遺鞠子羞
羣公旣皆聽命相揖趨出王釋冕反喪服

康王

原註
名釗

史記曰成王既崩

袁字記雍州咸陽縣周成王陵在縣西北二十里

二公率諸

侯以太子釗見於先王廟申告以文王武王之所以爲王業之不易務在節儉毋多欲以篤信臨之作顧命太子釗遂立是爲康王

元年甲戌春正月王卽位命冢宰召康公總百官

史記曰康王卽位徧告諸侯宣告以文武之業以申之

作康誥

書序曰康王既尸天子遂誥諸侯作康王之誥孔安國分顧命之半以當之恐非當別有一篇

而亡之耳

諸侯朝于豐宮

左傳椒舉曰康有豐宮之朝

括地志曰豐宮周文王宮也在雍州鄠縣東三十五里

三年定樂歌

統箋曰定樂歌如周禮大司樂奏黃鍾歌大呂以祀天神奏大簇歌應鍾以祀地示奏夷則歌小呂以享先妣奏無射歌夾鍾以享先祖是也又周頌序曰歌清廟以祀文王歌天作以祀先王先公歌執競以祀武王歌思文祀后稷以配天歌昊天有成命以郊祀天地如此類者必其所先定耳

吉禘于先王

詩說曰昊天有成命康王禘成王於明堂之詩昊天有成命二后受之成王不敢康夙夜基命宥密於緝熙單厥心肆其靜之

序以爲郊祀天地也外傳以爲道成王德朱子曰此詩多道成王之德疑祀

成王之詩又曰大武康王大禘報祀成王奏大武六成既畢

受釐陳戒之詩下武維周世有哲王三后在天王配于
京王配于京世德作求永言配命成王之孚成王之孚
下土之式永言孝思孝思維則媚茲一人應侯順德永
言孝思昭哉嗣服昭茲來許繩其祖武於萬斯年受天
之祜受天之祜四方來賀於萬斯年不遐有佐

申戒農官告于廟

周頌臣工曰嗟嗟臣工敬爾在公王釐爾成來咨來茹
嗟嗟保介維暮之春亦又何求如何新畝於皇來牟將
受厥明明昭上帝迄用康年命我衆人庠乃錢鎛奄觀
鉅艾

序曰臣工諸侯助祭遣於廟
也朱子曰此戒農官之詩

噫嘻曰噫嘻成王既

昭格爾率時農夫播厥百穀駿發爾私終三十里亦服

爾耕十千維耦

序曰噫嘻春夏祈穀於上帝也詩說曰
噫嘻東王孟春祈穀於東郊以成王配

享之詩世本古義曰康王春廟穀也既得卜於廟廟因戒農官

六年齊太公薨

史記曰蓋太公之卒

皇覽曰呂尚冢在臨菑縣城南去縣十里

百有餘年

案

韜太公年一百三十六今考其遇文王在帝辛三十一年至是七十一年矣然則其遇文王年實六十六傳言七十者舉成數也紫微斗數子丁公呂伋立謂太公望壽一百六十過矣

九年唐遷于晉作宮而美王使人讓之

史記曰唐叔子燮是為晉侯

詩譜曰南有晉水至子燮改為晉侯

國都城

記曰唐叔虞之子燮父徙居晉水傍

地理通釋曰在并州晉陽縣北二里

魯侯禽父薨

舊在十九年今正

三統歷曰伯禽即位四十六年

世紀

魯世家曰魯公伯

禽卒

寶字記曲阜縣伯禽墓高四丈四尺在縣南七里

子考公曾立

世本作就

左傳有梁其趯魯伯禽庶子梁其之後

十二年夏六月壬申

大衍曆曰康王十二年歲在乙酉六月戊辰朔與此皆合王如豐

錫畢公命

書序曰康王命作冊畢分居里成周郊作畢命惟十有二年六月庚午朏三日壬申王王朝步自宗周至于豐以成周之衆命畢公保釐東郊王若曰嗚呼父師惟文王武王敷大德于天下用克受殷命惟周公左右先王綏定厥家毖殷頑民遷于洛邑密邇王室式化厥訓既歷三紀世變風移四方無虞予一人以寧道有升降政由俗革不臧厥臧民罔攸勸惟公懋德克勤小物弼亮四世正色率下罔不祇師言嘉績多于先王予小子垂拱仰成王曰嗚呼父師今予祇命公以周公之事往哉旌別淑慝表厥宅里彰善癉惡樹之風聲弗率訓

典殊厥井疆俾克畏慕申畫郊圻慎固封守以康四海
政貴有恆辭尚體要不惟好異商俗靡靡利口惟賢餘
風未殄公其念哉我聞曰世祿之家鮮克由禮以蕩陵
德實悖天道敝化奢麗萬世同流茲殷庶士席寵惟舊
怙侈滅義服美于人驕淫矜誇將由惡終雖收放心閑
之維艱資富能訓惟以永年惟德惟義時乃大訓不由
古訓于何其訓王曰嗚呼父師邦之安危惟茲殷士不
剛不柔厥德允修惟周公克慎厥始惟君陳克和厥中
惟公克成厥終三后協心同底于道道洽政治澤潤生
民四夷左社罔不咸賴予小子永膺多福公其惟時成
周建無窮之基亦有無窮之聞子孫訓其成式惟乂嗚
呼罔曰弗克惟旣厥心罔曰民寡惟慎厥事欽若先王

成烈以休于前政

廣韻曰周文王子畢公之子季孫食采於潘因氏焉又曰畢公高後封於

氏焉

秋毛懿公薨

左傳曰魯衛毛朋交之昭也

人表毛叔

孔安國曰司空

毛公毛在河南籍水旁有毛泉近上邽

十三年魯侯酋薨

增

魯世家曰考公四年卒立弟熙

索隱一作怡

是謂煬公世本

曰煬公徙魯

十六年錫齊侯伋命

詩譜曰丁公嗣位於王官

王南巡狩至九江廬山

述異記曰廬山有康王谷巔有

城號爲劉城天每欲

雨輒聞山上鼓角笳簫之聲聲漸至城而風雨晦合村人以為常候傳云此周康王之城康王愛奇好異巡歷名山不遠而至城中每得古器大鼎及弓弩金之屬知非常人之所處也而山有康王之號城又以劍為稱斯言將有徵

十九年魯侯熙薨

舊作魯侯伯禽薨而無考公煬公今正

魯世家曰煬公六年卒子幽公宰立

世本名出三統歷引魯世家云煬公

六十年案劉歆以周昭王以下無年數故據周公伯禽以下為紀而強添煬公幽公之年以求合其說張衡惡議所謂歆欲以合春秋橫斷年數損夏益周考之表紀差謬數百正指此也

二十一年魯築茅闕門

魯世家曰煬公築茅闕門

據世家當在十九年以前今無可證姑仍其舊

二十四年召康公薨

史記曰召公之治西方甚得兆民和詩傳曰召公宣布

殷其雷南國之大夫聘於京召公巡行鄉邑有棠樹決師賄召公而歸心焉賦草蟲

獄政事其下韓詩外傳曰昔者周道之盛召伯在朝有

百姓此非吾先君文王之志也於是出而就燕庶於阿

陌隴畝之間而聽斷焉召伯暴處遠野廬於樹下百姓

大說耕桑倍力以勸於是歲大稔民給家足說苑曰召

伯述職當桑蠶之時不欲變民事故不入邑中含於甘

棠之下陝間之人皆得其所詩序曰行露召伯聽訟也

列女傳曰申人之女既許嫁於鄆夫家禮不備而欲迎

之女不肯往夫家訟之於理致之於獄女子守節持義必

死不往而作詩曰雖遠我欲室家不足君子以為得婦

道之自侯伯至庶人各得其所無失職者召公卒論衡

宜公年百八十風俗通而民人思召公之政懷棠樹不敢

伐歌詠之作甘棠之詩括地志曰召伯廟在洛州壽安

上阜

二十六年秋九月己未王陟經世前編通志年同

列女傳曰康王晚出朝關雎

後漢書曰昔周王承文武之盛一

天人不鳴璫宮門不擊柝關雎之人見幾而作詩曰關雎之時頌聲作乎下關雎作乎上習治也故習治則

傷始史記曰康王卒通志曰年五十七襄宇記雍州咸陽縣周康王陵在縣北一十五里

子昭王瑕立

昭王

原註名瑕

元年庚子春正月王卽位復設象魏

國語管子曰昔吾先王昭王穆王世法文武遠績以成

名合羣寡比較民之有道者設象以爲民紀式權以相

應比綴以度罇本肇末勸之以賞賜糾之以刑罰班序

顛毛以爲民紀統

二年

刀劍錄曰昭王以二年歲次壬午鑄五劍案紀年乃辛丑

六年王錫卬伯命

左傳曰畢原豐郇文之昭也

人表郇侯文王子

水經注曰涑水

又西逕郇城詩曰郇伯勞之蓋其故國也今解故城東

北二十里有郇在猗氏故城西北

冬十二月桃李華

韓非子仲尼對魯哀公曰宜殺而不殺桃李冬實記曰

不當華而華易大夫不當實而實易相室

七年秋七月魯人弑其君宰

舊在十四年困學紀聞引同今移此

魯世家曰幽公十四年

紀年蓋誤以魯年為周年

幽公弟潰殺幽公

而自立是為魏公

世本作魏公三統惡作微公弟因學紀聞曰諸侯篡弑之禍自此始記謂

君臣未嘗相弑不亦誣乎案是時王朝不聞討賊史稱王道微缺有以也

十四年夏四月恆星不見

周書異記曰

廣宏明集引

周昭王二十四年甲寅歲

錄刀劍錄通志

前編並云昭王在位五十一年然以甲子核之乃細錄
謂二十年壬午則甲寅爲三十四年而通志經世前編
據紀年甲寅當爲十五年也四月八日江河泉地忽然
泛漲井泉並皆溢出宮殿人舍山川大地咸悉震動其
夜五色光氣入貫太微遍於西方盡作青紅色周昭王
問太史蘇由曰是何祥也由對曰有大聖人生於西方
故現此瑞昭王曰於天下何如由曰卽時無他一千年
外聲教被及此土昭王卽遣鑄石記之埋在南郊天祠
前當此之時佛初生王宮也
十六年伐楚涉漢遇大兕

楚世家曰熊繹生熊艾熊艾生熊黜

十九年春有星孛于紫微

繹史引紀年曰昭王末年有星孛見光五色貫于紫微

祭公辛伯從王伐楚天大暄雉兔皆震喪六師于漢王陟

釋史引紀年曰荆人卑辭致于王曰願獻白雉乃密使漢濱之人膠船以待王遂南巡狩將抵於漢天大暄雉

兔皆震喪六師於漢時王至中流膠液船解王及祭公餘靡皆溺○案此當是註文而今佚之耳

史記曰昭王南巡狩不返之詩所為作詩說曰鼓鑄昭

王南遊宴樂於淮水之上卒於江上親將征荆辛餘靡長

上君子憂傷而作是詩及涉漢梁敗王及蔡公扞於漢中辛

且多力為王北濟又反振蔡公世紀曰昭王德衰南征濟

餘靡振王北濟又反振蔡公世紀曰昭王德衰南征濟

於漢船人惡之以膠船進王御船至中流膠液船解

王及祭公俱沒於水中而崩其右辛餘靡長臂且多力

游振得王之其卒不赴告諱之也通志引皇甫謐曰在位

日昭王陵在登封縣

少室山陽城西名

古史紀年卷十二

閩中林春溥鑑塘纂

穆王

原註
名滿

史記曰立昭王子滿是爲穆王周語內史過曰昔昭王娶於房曰房后實有爽德協於丹朱丹朱馮身以儀之生穆王焉實臨照周之子孫而禍福之

元年己未春正月王卽位

史記曰穆王卽位春秋已五十矣王道衰微穆王閱文王之道缺乃命伯冏申誡太僕國之政作舉命復寧書序曰穆王命伯冏爲周大僕正作冏命王若曰伯冏惟予弗克于德嗣先人宅丕后怵惕惟厲中夜以興思免厥愆今予命汝作大正正于羣僕侍御之臣懋乃后德

交修不逮愼簡乃僚無以巧言令色便辟側媚其惟吉士僕臣正厥后克正僕臣諛厥后自聖爾無昵于憊人充耳目之官迪上以非先王之典王曰嗚呼欽哉永弼乃后于夔憲穆王命君牙爲周大司徒作君牙王若曰嗚呼君牙惟乃祖乃父世篤忠貞服勞王家厥有成績紀于太常惟予小子嗣守文武成康遺緒亦惟先王之臣克左右亂四方心之憂危若蹈虎尾涉于春冰今命爾予翼作股肱心膂續乃舊服無忝祖考宏敷五典式和民則爾惟敬明乃訓用奉若于先王對揚文武之光命追配于前人

作昭宮

卑雅曰貝大者如輪穆王得其殼懸于昭觀

命辛伯餘靡

呂氏春秋曰辛餘靡振王北濟又反振祭公周公乃侯
之於西翟實爲長公殷整甲徙宅西河猶思故處實始
作爲西音長公繼是音以處西山秦穆公取風焉實始
作爲秦音蜀都賦劉淵林註引呂氏春秋曰周昭王涉
漢中流而隕其右辛遊靡振王遂卒不復還
周乃侯其子于西翟實爲長公楚徙宅西河長
公思故處始作西音文與今本不同未知孰是
冬十月築祗宮于南鄭

原註自武王至穆王享國百年晉書東晉傳引紀年自
周受命至穆王百年非
穆王壽
百歲也穆王以下都於西鄭漢地理志臣瓚注曰周自
穆王以下都於西鄭蓋據
此文後人概以
爲沈約注誤也

六年春徐子誕來朝錫命爲伯

博物志曰徐君官人娠而生男以爲不祥棄之水濱獨

孤母有犬名鵠蒼獵於水濱得所棄卵銜以東歸獨孤母以爲異覆煖之遂歸成兒生時正偃故以爲名徐君

宮中聞之乃更錄取長而仁智襲徐君國

括地志曰大徐城在泗洲

徐城縣北三十里古之徐國也偃王既有國仁義著聞欲舟行上國乃

通溝陳蔡之間得朱弓矢以已得天瑞遂因名爲弓自

稱徐偃王江淮諸侯多伏從伏從者三十六國後漢書

曰徐夷偕號乃率九夷以伐宗周西至河上穆王畏其

方熾乃分東方諸侯命徐偃王主之偃王處潢池東地

方五百里行仁義陸地而朝者三十有六國

八年春北唐來賓獻一驪馬是生驂耳

穆天子傳注引作北唐之君來見

史記曰惡來弟曰季勝季勝生孟增孟增幸於周成王

是爲宅皐狼皐狼生衡父衡父生造父

列子曰造父之師曰秦豆氏立

木爲塗僅可容足計步而置履之而行趣
走往還無跌失也造父學之三日盡其巧
造父幸於周
繆王造父取驥之乘匹與桃林盜驪驊騮耳獻之繆
王述異記曰東海島龍川穆天子養八駿處也島中有
草名龍駒馬食之一日千里古語云一株龍駒化爲

九年築春宮

原註王所居有鄭宮春宮初
學記曰鄭宮春宮見紀年

列子曰周穆王時西極之國有化人來穆王敬之若神
推露寢以居之化人以爲王之宮室卑陋而不可處穆
王乃爲之改築土木之功赅聖之色無遺巧焉五府爲
虛而臺始成其高千仞臨終南之上號曰中天之臺簡
鄭衛之處子以滿之化人猶不舍然不得已而臨之居
無幾何謁王同遊王執化人之祛騰而上者中天迺止
耳目所觀聽鼻口所納嘗皆非人間之有旣寢所坐猶

嚮者之處化人曰吾與王神遊也王大說不恤國事不

樂臣妾肆意遠遊

拾遺記曰王東巡大騎之谷諸春月宮集諸方士仙術之要而嫺諛龍蛇

之類奇種憑空而出○集春宮當即春宮爲集方士之所卽列子所云以處化人者歟

十一年王命卿士祭公謀父

左傳曰凡蔣邢茅胙祭周公之允也韋昭曰祭畿內之

國謀父字也

釋例曰祭城在河南上

十二年毛公班共公利逢公固帥師從王伐犬戎

周語曰穆王將征犬戎祭公謀父諫曰不可先王耀德

不觀兵夫兵戢而時動動則威觀則玩玩則無震是故

周文公之頌曰載戢干戈載櫜弓矢我求懿德肆于時

夏允王保之先王之於民也茂正其德而厚其性阜其

財求而利其器用明利害之鄉以文修之使務利而避

害懷德而畏威故能保世以滋大昔我先世后稷以服
事虞夏及夏之衰也棄稷弗務我先王不密用失其官
而自竄於戎翟之間不敢怠業時序其德纂修其緒修
其訓典朝夕恪勤守以惇篤奉以忠信弈世載德不忝
前人至於武王昭前之光明而加之以慈和事神保民
莫不欣喜商王帝辛大惡於民庶民弗忍欣戴武王以
致戎於商牧是先王非務武也勤恤民隱而除其害也
夫先王之制邦內甸服邦外侯服侯衛賓服蠻夷要服
戎翟荒服甸服者祭侯服者祀賓服者享要服者貢荒
服者王日祭月祀時享歲貢終王先王之訓也有不祭
則修意有不祀則修言有不享則修文有不貢則修名
有不王則修德序成而有不至則修刑於是乎有刑不

祭伐不祀征不享讓不貢告不王於是乎有刑罰之辟
有攻伐之兵有征討之備有威讓之令有文告之辭布
令陳辭而又不至則又增修於德無勤民於遠是以近
無不聽遠無不服今自大畢伯仕之終也犬戎氏以其
職來王天子曰予必以不享征之且觀之兵其無乃廢
先王之訓而王幾頓乎吾聞夫犬戎樹惇能帥舊德而
守終純固其有以禦我矣王不聽

冬十月王北巡狩遂征犬戎

原註曰征犬戎
取其五王以東

穆天子傳曰戊寅天子北征乃絕漳水庚辰觴天子於
盤石之上天子乃奏廣樂載立不舍至於鉞山之下癸
未雨雪天子獵於鉞山之西阿於是得絕鉞山之隊北
循虜沔之陽乙酉天子北征於犬戎口胡觴天子

於當水之陽天子乃樂○賜七萃之士戰庚寅北風雨

雪天子以寒之故命王屬休

周語曰遂征之得四白與四白鹿以歸自是荒服者

至甲午天子西征乃絕隃之關陞己亥至於焉居禺知

之平辛丑天子西征至於鄴人河宗之子孫鄴栢絮且

逆天子於智之○先豹皮十良馬二六天子使井利受

之

案卽共公利也

癸卯天子舍於漆澤乃西釣於河甲辰天子

獵於滲澤於是得白狐元貉焉以祭於河宗丙午天子

飲於河水之阿天子屬六師之人於鄴邦之南滲澤之

上

案自戊寅至丙午共二十九日

十三年春祭公帥師從王西征次于陽紆

穆天子傳曰戊寅

案當作戊申

天子西征

歸戴曰昔穆王天子並出於西征不

吉曰龍降於天而道里脩遠飛而冲天者著其羽

驚行至於陽紆之山

後云自宗周遷

水以西至於河宗之邦陽河伯無夷之所都居注無夷

紂之山三千有四百里山海經是惟河宗氏河宗伯天逆天子燕然之山勞用馮夷也

云水夷東帛加璧天子使鄒父受之癸丑天子大朝於燕然之

山河水之阿乃命井利梁固聿將六師天子命吉日戊

午天子大服冕褱帔帶摺名夾佩奉璧南面立於寒下

曾祝佐之官人陳牲全天子授河宗璧河宗伯天受璧

西向沈璧於河再拜稽首祝沈牛馬豕羊天子南向再

拜己未天子大朝於黃之山乃披圖視典用觀天子之

珎器伯天皆致河典乃乘渠黃之乘為天子先以極西

土乙丑天子西濟於河口爰有溫谷樂都河宗氏之所

遊居丙寅天子屬官效器乃命正公郊父受敕憲用侑

口八駿之乘後云天子之駿赤驥盜驥白義踰輪山子渠黃驊騮騄耳拾遺記曰王駟八龍之駿

一名絕地二名翻羽三名奔霄四名超影五名以飲於
踰輝六名超光七名騰霧八名挾翼名與此異

枝詩之中積石之南河天子之御造父三百耿脩苟及

曰天子是與出口入藪田獵釣弋天子曰於乎予一人

不盈於德而辨於樂後世亦追數吾過乎七萃之士曰

後世所望無失天常農工既得男女衣食百姓珪富官

人執事何謀於樂何意之忘與民共利世以爲常也天

子嘉之賜以左佩華也乃再拜頓首案自戊申至丙寅共十九日

秋七月西戎來賓

列子曰周穆王大征西戎西戎獻銀鍔之劍火浣之布

其劍長尺有咫練銅赤刃用之切玉如切泥焉火浣之

布浣之必投於火布則火色垢則布色出火而振之皓

然疑乎雪亦見墨子孔叢子十洲記曰周穆王時西胡獻昆吾割玉刀及夜光常滿杯杯是白玉之

精光明夜照冥久出杯於中庭以向天比
明而水汁已滿於杯中也汁甘而香美

王西征至昆侖丘

舊在十七年穆傳注引紀年亦云十七
年惟御覽引紀年云穆王十三年西征

至於青鳥之所解藝文類聚引同今考史記穆王西征
侍見西王母樂之忘歸而徐偃王反據紀年徐戊侵洛

即在十三年又穆天子傳所載自征犬戎而至陽紆升
昆侖見西王母至曠原碩鳥解羽之所道里甲子歷歷

可數不問至陽紆而反後又西征也御覽藝文類
聚所引於史記穆傳為合今故移此餘說見後

穆天子傳曰

伯天

封膜

畫於

河水

之陽

人註

膜畫

以為殷人主丁巳

案自前丙寅至丁巳中有五十一口
據後云里西土之教自陽紆西至於

西夏氏三千又五百里自西夏至於珠余氏及河首千
又五百里自河首襄山以西南至於春山珠澤昆侖之

丘七百里即此五十一
日所至者書缺不具耳

天子西南升

膜畫

二字

之所

主居爰有大木碩草爰有野獸可以畋獵戊午昂

以為之人居慮獻酒百於天子天子已飲而行遂宿

於昆侖之阿赤水之陽爰有鸛鳥之山天子三日舍於

鷄鳥之山吉日辛酉天子升於昆侖之丘

西山經曰昆侖之丘是實

帝之下都海內西經曰崑崙之墟方八百里高萬仞

以觀黃帝之宮

注黃帝巡遊四海登

昆侖山起宮室於其上見新語而封豐隆之葬

舊封作豐隆上空今從郭注補正

以詔

後世癸亥天子具燭齊牲全以禮於昆侖之丘甲子天

子北征舍於珠澤以釣於流水曰珠澤之藪方三十里

爰有藿葦莞蒲茅蕢蒹葭季夏丁卯天子北升於春山

之上以望四野曰春山是惟天下之高山也孳木曰華

畏雪天子於是取孳木華之實曰春山之澤清水出泉

溫和无風飛鳥百獸之所飲食先王所謂縣圃

注淮南子曰比

侖去地一萬一千里有曾城九重或上倍之是謂閼風或上倍之是謂元圃以次相及

天子於是

得玉榮枝斯之英

注尸子曰龍泉有玉英山海經曰黃帝乃取密山之玉榮而投之鍾山之

陽是也

天子五日觀於春山之上乃為銘迹於縣圃之上

也

以詔後世壬申天子西征甲戌至於赤鳥之人其案其當作

見下獻酒千斛於天子食馬九百羊牛三千糶麥百

載天子使祭父受之曰赤鳥氏先出自周宗大王亶父

之始作西土封其元子吳太伯於東吳詔以金刃之刑

賄用周室之璧封丌璧臣長季綽於春山之虱妻以元

女詔以玉石之刑以爲周室主天子乃賜赤鳥之人墨

乘四黃金四十鎰貝帶五十朱三百褻丌乃膜拜而受

天子於是取嘉禾以歸樹於中國天子五日休於案

春山之下乃奏廣樂赤鳥之人丌好獻女於天子女聽

女列爲嬖人後云自春山以西至於赤鳥氏春山三百里已卯天子北征庚

辰濟於泮水辛巳入於曹奴之人戲觴天子於泮水之

上乃獻食馬九百牛羊七千糶米百車天子使逢固受

之天子乃賜曹奴之人戲口黃金之鹿銀口貝帶四十
朱四百裏戲乃膜拜而受壬午天子北征東還甲申至
於黑水西膜之所謂鴻鷺於是降雨七日天子留骨六
師之屬天子乃封長肱於黑水之西河是惟鴻鷺之上
以爲周室主是曰留骨之邦辛卯天子北征東還乃循
黑水癸巳至於羣玉之山後云東北還至於羣玉之山
戴春山以北西山經曰昆侖
又西三百七十里曰樂游之山西水行四百里曰流沙
二百里至於羸母之山又西三百五十里曰玉山是西
王母所居也
與此不同阿平無險四徹中繩先王之所謂策府寡
草木而無鳥獸於是載玉萬隻天子四日休羣玉之山
乃命邢侯待攻玉者孟秋丁酉天子北征口之人潛時
觴天子於羽陵之上乃獻良馬牛羊天子以其邦之攻
玉石也不受其牢賜之黃金之罍三六朱三百裏潛時

乃膜拜而受戊戌天子西征辛丑至於劓閭氏天子乃命劓閭氏供食六師之人於鐵山之下壬寅天子登於鐵山乃徹祭器於劓閭之人溫歸乃膜拜而受天子已祭而行乃遂西征丙午至於鴟韓氏爰有樂野溫和稌麥之所草注疑古茂字犬馬牛羊之所昌寶玉之所丁未

天子大朝於平衍之中乃命六師之屬休已酉天子大饗正公諸侯王吏七萃之士於平衍之中鴟韓之人無鳧乃獻良馬百匹用牛三百良犬七千犛牛二百野馬三百牛羊二千稌麥三百車天子乃賜之黃金銀罍四七貝帶五十朱三百褭無鳧上下乃膜拜而受庚戌天子西征至於元池天子三日休於元池之上乃奏廣樂三日而終是曰樂池天子乃樹之竹是曰竹林癸丑天

子乃遂西征丙辰至於苦山西膜之所謂茂苑天子於

是休獵於是食苦注苦草名可食丁巳天子西征己未宿於黃

鼠之山乃遂西征癸亥至西王母之邦後云自羣玉之山以西至西王

母之邦三千里○案自丁巳至癸亥共六十七日始五月終七月

見西王母穆傳注引紀年云穆王十七年西征崑崙丘見西王母其年來見賓於昭宮與今本同又引紀

年云穆王見西王母西王母止之曰有鳥鵲人今本無案見西王母當在十三年說見前西王母來見當在十

七年說見後

穆天子傳曰吉日甲子天子賓於西王母西山經曰西王母其狀如

人豹尾虎齒而善嘯蓬髮戴勝是司天之厲及五殘乃執白圭元璧以見西王母

好獻錦組白純口組三百純西王母再拜受之乙丑天

子觴西王母於瑤池之上西王母為天子謠曰白雲在

天山陲陵字自出道里悠遠山川間之將子無死尙能復

來天子答之曰予歸東土和治諸夏萬民平均吾顧見
汝比及三年將復而野天子遂驅升於弇山乃紀丌跡
於弇山之石而樹之槐眉曰西王母之山

遂至于曠原

增○紀年註云西征至於青鳥所解卽此

穆天子傳曰丁未天子飲於溫山已酉天子飲於潯水
之上爰有陵衍平陸碩鳥解羽六師之人畢至於曠原
後云自西王母之邦北至於曠原之野飛鳥之所解其羽千有九百里自宗周至於西北大曠原萬四千里海內西經曰大澤方百里羣鳥所生及所解在雁門北大荒北經曰有大澤方千里羣鳥所解曰天子

三月舍於曠原天子大饗正公諸侯王勒七萃之士於
羽琤之上

注云下有羽陵疑亦同

乃奏廣樂口六師之人翔旼於

曠原得獲無疆鳥獸絕羣六師之人大畋九日收皮效
物僨車受載天子於是載羽百車已亥天子東歸六師

○起庚子至於○之山而休以待六師之人庚辰天子

東征

案自甲子見西王母至己酉至曠原共四十六日

是共百十餘日計爲月者六矣再以前孟秋丁酉推之是時已在次年二月而紀年云其年西王母來朝賓於

誤矣癸未至於戊○之山智氏之所處天子北遊於觚

子之澤智氏之夫獻酒百○於天子天子賜之狗璫采

黃金之罍二九貝幣四十朱丹三百裹桂薑百○乃膜

拜而受乙酉天子南征東還己丑至於獻水己亥至於

瓜纊之山關氏胡氏之所保天子乃遂東征南絕沙衍

辛丑天子渴於沙衍求飲未至七萃之士高奔戎刺其

左驂之頸取其青血以飲天子天子美之乃賜奔戎佩

玉一隻奔戎再拜詣首天子乃遂南征甲辰至於積山

之邇爰有蔓栢曰曷余之人命懷獻酒於天子天子賜

之黃金之罍貝帶朱丹七十裹命懷乃膜拜而受乙巳諸飭獻酒於天子天子賜之黃金之罍貝帶朱丹七十

裹諸飭乃膜拜而受之

案自庚辰至乙巳又二庚辰至十五日其時當為三月

於滔水

案乙巳至庚辰三十六日今以下文孟秋濁繇癸巳推之此為六月蓋中隔九十餘日矣

氏之所食辛巳天子東征癸未至於蘇谷骨飭氏之所

衣被乃遂南征東還丙戌至於長淡重譚氏之西疆丁

亥天子升於長淡乃遂東征庚寅至於重譚氏黑水之

阿爰有野麥爰有荅堇西膜之所謂木禾重譚氏之所

食爰有采石之山凡好石之器於是出孟秋癸巳天子

命重譚氏共食天子之屬五日丁酉天子升於采石之

山於是取采石焉天子使重譚之民鑄以成器於黑水

之上器服物佩好無疆曰天子一月休秋癸亥天子觴

重黿之人鰈魛乃賜之黃金之罍二九銀鳥一隻貝帶

五十朱七百裹箇箭桂薑百箇絲綢雕官鰈魛乃膜拜

而受乙丑天子東征鰈魛送天子至於長沙之山栢天

曰重黿氏之先三苗氏之□處丙寅天子東征南還已

已至於文山西膜之人乃獻食馬三百牛羊二千稌米

千車天子使畢矩受之天子三日遊於文山於是取采

石壬寅宜作壬申文山之人歸遺乃獻良馬十駟用牛三百

守狗九十牝牛二百以行流沙天子之豪馬豪牛老狗

豪羊以三十祭文山又賜之黃金之罍二九貝帶三十

朱三百裹桂薑百箇歸遺乃膜拜而受癸酉天子命駕

八駿之乘右服鰈魛列子作鰈魛而左綠耳右驂赤龍古驂字列

赤驥子作驥而左白餓古義字列天子主車造父爲御函函子列

作崗

爲右次車之乘右服栗黃而左踰輪右驂盜驪而

左山子栢天主車參百爲御奔戎爲右天子乃遂東南
翔行馳驅千里至於巨蒐之人獮奴乃獻白鵠之血以
飲天子因具牛羊之湏以洗天子之足及二乘之人甲
戌巨蒐之獮奴觴天子於焚留之山乃獻馬三百牛羊
五千秋麥五車膜稷三十車天子使栢天受之好獻枝
斯之石四十箇籛鼻龍琕佩百隻琅玕四十瓛楚十篋
天子使造父受之乃賜之銀木瓚采黃金之罍二九貝
帶四十朱三百裏桂薑百箇獮奴乃膜拜而受乙亥天
子南征陽紆之東尾後云大曠原還東南復至於陽紆七千里乃遂絕繼晉
之谷已至於穀瑯河之水北軻爰有漿澍之口河伯之
孫事皇天子之山有模莖其葉是食明后天子嘉之賜

以佩玉一隻栢天再拜稽首癸丑乙亥至癸丑三十九日天子東

征栢天送天子至於鄠人鄠伯紫觴天子於澡澤之上

斷多之汭河水之所南還曰天子五日休於澡澤之上

以待六師之人戊午天子東征顧命栢天歸於丌邦天

子曰河宗正也栢天再拜稽首天子南還升於長松之

墜

徐戎侵洛

冬十月造父御王入于宗周

集以穆傳推之穆王既征犬戎遂極西土二年而歸其歸

也亦非由徐戎之故與紀年不甚合此等難以強斷只宜並存

穆傳曰孟冬壬戌

集自孟秋癸巳至壬戌共九十日

至於雷首犬戎

胡觴天子於雷首之阿乃獻食馬四六天子使孔牙受

之癸亥天子南征升於髀之墜丙寅天子至於鉏山之

隊東升於三道之陞乃宿於二邊命毛班逢固先至於

周以待天之命癸酉天子命駕八駿之乘赤驥之駟造

父爲御口南征翔行逕絕翟道升於太行南濟於河馳

驅千里遂入於宗周後云還歸於周二千里官人進白鵠之血以

飲天子以洗天子之足造父乃具羊之血以飲四馬之

乘一庚辰天子大朝於宗周之廟乃里西土之數各行

兼數三萬有五千里紀年註王北征行流沙千里積羽

於青鳥所解西征還履天下億有九萬里案郭璞山海

經注穆傳注李善文選注皆引以爲紀年之文又開元

占經引紀年云穆王東征天下二億二千五百里西征

億有九萬里南征億有七百三十三里北征二億七千里拾遺

記曰穆王巡行天下有書史十人記其所行之地吉日

又副以瑤華之輪一乘隨王之後以載其書也

甲申天子祭於宗周之廟乙酉天子字疑宴六師之人

於洛水之上丁亥天子北濟於河乃遂西南仲冬壬辰

案自孟冬王戊至仲冬壬辰共三十一日至鼐山之上乃奏廣樂三日而終

吉日丁酉天子入於南鄭

十四年王帥楚子伐徐戎克之

史記曰繆王使造父御西巡狩見西王母樂之忘歸而

徐偃王反繆王日馳千里馬攻徐偃王大破之後漢書

曰穆王後得驥騄之乘乃使造父御以告楚令伐徐一

日而至於楚文王大舉兵而滅之說苑曰王孫厲謂楚文王曰徐偃王

楚必事徐王曰若信有道不可伐也對曰大之伐小強

之伐弱猶大魚之吞小魚也若虎之食豚也惡有其不

得理文王遂興師伐徐殘之○案楚文王在春秋時去

穆王之世遠矣據楚世家熊繹事成王繹生熊艾熊艾

生熊黑熊黑生熊勝勝以弟熊揚爲後此楚子當是熊

勝熊偃王仁而無權不忍鬪其民故致於敗乃北走彭

城武原縣京山下百姓隨之者以萬數因名其山爲徐

山說苑曰餘偃王將死曰吾賴於文德而不明武備好行仁義而不知詐人之心以至於此夫古之王者其
有備乎

夏四月王敗于軍丘

穆天子傳曰癸亥天子乘鳥舟龍卒浮於大沼夏庚午
天子飲於涓上乃遣祭公如圃鄭用□諸侯辛未天子
北還釣於漸澤食魚於桑野丁丑天子里圃田之路注
規度以爲苑圃地而虞守之也東至於房西至於□丘南至於桑野北
盡經林煮□之藪十虞東虞曰兔臺西虞曰櫟丘南虞
曰□富丘北虞曰相其御虞曰□來□案當長天子次
於軍丘以敗於藪□案自癸亥至庚辰共十八日

五月作范宮

穆天子傳曰甲寅天子作居范宮以觀桑者乃飲於桑

中天子命桑虞出案甲寅桑者用禁暴人仲夏庚寅至庚寅

三十七日以仲夏庚寅推之則甲寅作范宮當在四月恐紀年誤也天子西遊乃宿於祭

壬辰祭公飲天子酒乃歌闕天之詩注云詩頌昊天有成命二后受之成

王不敢康疑祭公以此規諫也天子命歌南山有犍當作臺字乃紹宴樂丁

酉天子作臺以為西居壬寅天子東至於雀梁甲辰浮

於滎水乃奏廣樂季夏庚成字休於范宮案自甲寅至庚

成共五十七日

秋八月王射鹿于林中增

穆天子傳曰仲秋丁巳天子射鹿於林中乃飲於孟氏

爰舞白鶴二八還宿於雀梁案自庚戌至丁巳八日

秋九月翟人侵畢

穆天子傳曰仲秋甲戌天子東遊次於雀梁口蠹書於

羽林季秋天子乃宿於所畢人告戎曰陵翟來侵天子
使孟僖如畢討戎

冬蒐于萍澤

穆天子傳曰丙辰天子南遊於黃□室之丘以觀夏后
啟之所居乃□於啟室天子筮獵萍澤其卦遇訟逢公
占之曰訟之繇戎事則從祭祀則熹畋獵則獲天子飲
逢公酒賜之駿馬十六締紵三十篋逢公再拜稽首賜
筮史狐□有陰雨夢神有事是謂重陰天子乃休日中
大寒北風雨雪有凍人天子作詩三章以哀民曰我徂
黃竹□員闕寒帝收九行嗟我公侯百辟冢卿皇我萬
民旦夕勿怠我徂黃竹□員闕寒帝收九行嗟我公侯
百辟冢卿皇我萬民旦夕勿窮有皎者駘翩翩其飛嗟

我公侯□勿則遷居樂甚寡不如遷土禮樂其民乃宣
於黃竹

作虎牢

穆天子傳曰戊戌天子北入於邠與井公博三日而決
辛丑天子居於臺有虎在乎葭中天子將至七萃之士
高奔戎請生捕虎必全之乃生捕虎而獻之天子命之
爲柙而畜之東虞是爲虎牢地理志河南成皋故虎牢
師古引穆傳曰天子畜之
東號號
日獸牢天子賜奔戎駟馬十駟歸之太牢奔戎再拜稽
首丙辰天子北遊於林中乃大受命而歸

十五年春正月留昆氏來賓

穆天子傳曰天子四日休於薄澤於是射鳥獵獸丁丑
天子□雨乃至祭父自圃鄭來謁留昆歸玉百枚陵翟

致賂良馬百駟歸畢之寶

案前年翟人侵畢至是來歸也

以詰其成陵

子昂胡曰東牡見許男於洧上祭父以天子命辭曰去

茲羔用玉帛見許男不敢辭還取束帛加璧曰毛公舉

幣玉是日也天子飲許男於洧上天子曰咎氏宴飲毋

有禮許男不敢辭升坐於出尊乃用宴樂天子賜許男

駿馬十六許男降再拜空首乃升平坐及暮天子遣許

男歸

作重璧臺

穆天子傳曰姬姓也盛柏之子也天子賜之上姬之

長是曰盛門天子乃爲之臺是曰重璧之臺戊寅天子

東徂於澤中盛姬告病天子西至於重璧之臺

盛姬死有

缺天子哀之乃殯盛姬於穀丘之廟甲辰南葬於樂池

之南視皇后之葬法為盛姬諡曰哀淑人是曰淑人之

丘汲冢師春曰穆王姜后孕越姬嬖穢而有之薨以元

集於戶鴻之辰止第弗克理重靈降詠而復其所居三

不歸將與爾大戮及王子於治

冬王觀于鹽澤原注一作王幸安邑觀鹽池非是○水

穆天子傳曰丁卯天子東征約於漯水以祭淑人癸酉

天子南征至於蒞臺仲冬甲戌天子西征至於因氏天

子乃釣於河以觀姑繇之木丁丑天子北征戊寅舍於

河上己卯西濟於河庚辰舍於茅尺於是禋祀除喪天

子遂西南癸未至於野王甲申天子北升於大北之陞

而降休於兩柏之下天子永念盛姬於是流涕乙酉天

子西絕鉏陞乃遂西南戊子至於鹽注鹽鹽池今在河

東解縣西域記曰

鹽澤在西州高昌縣東沙磧之地水草難行四面危絕道路不可準記水經注曰蒲昌海龍城有鹽澤已

丑天子南登於薄山賓輪之陞乃宿於虞庚申案當作庚寅

天子南征吉日辛卯天子入於南鄭案自丁卯至辛卯共二十五日

十六年霍侯舊薨

穆天子傳曰霍侯舊告薨注霍國今在平陽永安縣西南有城天子臨於

軍王狩於藪案穆傳載此於畢人告戒之下而紀年一在十四年一在十六年當有一誤

王命造父封于趙

史記曰繆王使造父御日馳千里馬攻徐偃王大破之

乃賜造父以趙城由此為趙氏寰宇記曰今趙州其地也

十七年西王母來朝賓于昭宮舊云十七年王西征至昆侖上見西王母其年西王

母來朝賓於昭宮今考穆天子傳穆王西征閏二年方歸安得其年即朝昭宮乎今穆西征二語於十三年而

仍以賓昭宮屬之是年庶於情事皆合至山海經郭注引竹書云穆王五十七年西王母來見賓於昭宮而其

注穆傳仍作十七年今攷紀年穆王無五十七年知五字誤衍也

秋八月遷戎于太原

後漢西羌傳曰穆王時戎狄不貢王乃西征犬戎獲其五王遂遷戎於太原

十八年春正月王居祇宮諸侯來朝

左傳子革曰昔穆王欲肆其心周行天下將皆必有車轍馬迹焉祭公謀父作祈招之詩以止王心王是以獲沒於祇宮其詩曰祈招之愔愔式昭德音思我王度式如玉式如金形民之力而無醉飽之心

二十一年祭文公薨

周書序曰周公云殛王制將衰穆王因祭祖不豫詢某當與守位作祭公王若曰祖祭公次予小子虔虔在位謀同

昊天疾威予多時溥愆我聞祖不豫有加予維敬省不
弔天降疾病予畏天威公其告予懿德公曰天子謀父
疾不瘳敢告天子皇天改大殷之命維文王受之維武
王大克之咸茂厥功維我後嗣旁建宗子丕維周之始
并并即屏古字通嗚呼天子三公監於夏商之既敗丕則無遺
後難至於萬億年守序終之汝無以戾反罪疾喪時二
王大功汝無以嬖御固莊后汝無以小謀敗大作汝無
以嬖御士疾大夫卿士汝無以家相亂王室而莫恤其
外尙皆以時中又萬國嗚呼三公汝念哉汝無泯泯芬
芬厚顏忍醜時維大不弔哉王拜手稽首黨言黨讜
古通

二十四年王命左史戎夫作記

周書序曰穆王思保位惟難恐貽世羞欲自警悟作史

記惟正月王在成周昧爽召三公左史戎夫曰今夕朕
寤遂事驚予乃取遂事之要戒俾戎夫主之朔望以聞
信不行義不立則哲士凌君政禁而生亂皮氏以亡詔
諛日近方正日遠則邪人專國政禁而生亂華氏以亡
好貨財珍怪則邪人進邪人進則賢良日蔽而遠賞罰
無位適財而行夏后氏以亡嚴兵而不口者其臣懾其
臣懾則不敢忠不敢忠則民不親其吏刑始於親遠者
寒心殷商以亡樂專於君者權專於臣權專於臣則刑
專於民君娛於樂臣爭於權民盡於刑有虞氏以亡注云
商均之後奉孤以專命者謀主必畏其威而疑其前事挾德
而責數日疎位均而爭平林以亡大臣有錮職譁誅者
危昔者質沙三卿朝而無禮君怒而久拘之譁而弗加

譚卿謀變質沙以亡外內相間下撓其民民無所附三苗以亡弱小在疆大之間存亡將由之則無天命矣不知命者死有夏之方興也扈氏弼而不恭身死國亡嬖子兩重者亡昔者義渠氏有兩子異母皆重君疾大臣分黨而爭義渠以亡功大不賞者危昔平州之臣功大而不賞詔臣曰貴功臣曰怒而生變平州之君以走出召遠不親者危昔有林氏召離戎之君而朝之至而不禮留而弗親離戎逃而去之林氏誅之天下叛林氏昔者曲集之君伐智而專事彊力而不信其臣忠良皆伏愉州氏伐之君孤而無使曲集以亡昔者有巢氏有亂臣而貴任之以國假之以權擅國而主斷君已而奪之臣怒而生變有巢以亡斧小不勝柯者亡昔有鄆君裔

儉減爵損祿羣臣卑讓上下不臨後○小弱禁罰不行
重氏伐之鄩君以亡久空重位者危昔有共工自賢自
以無臣久空大官下官交亂民無所附唐氏伐之共工
以亡犯難爭權疑者死昔有林氏上衡氏爭權林氏再
戰而勝上衡氏僞義弗克俱身死國亡知能均而不親
竝重事君者危昔有南氏夏本紀曰禹後分封用國
為氏有男氏世本作南有
二臣貴寵力鈞勢敵競進爭權下爭朋黨君弗能禁南
氏以分昔有果氏好以新易故故者疾怨新故不和內
爭朋黨陰事外權有果氏以亡爵重祿輕比○不成者
亡昔有畢程氏損祿增爵羣臣貌墮比而戾民畢程氏
以亡好變故易常者亡昔陽氏之君自伐而好變事無
故業官無定位民運於下陽氏以亡業形而愎者危昔

穀平之君懷類無親破國弗克業形用國外內相援穀
平以亡武不止者亡昔阪泉氏用兵無已誅戰不休并
兼無親文無所立智士寒心徙居至於獨鹿諸侯畔之
阪泉以亡偃而無親者亡昔者縣宗之君偃而無聽執
事不從宗職者疑發大事羣臣解體國無立功縣宗以
亡昔者元都賢鬼道廢人事天謀臣不用龜策是從神
巫用國哲士在外元都以亡文武不行者亡昔者西夏
性仁非兵城郭不修武士無位惠而好賞屈而無以賞
唐氏伐之城郭不守武士不用西夏以亡美女破國昔
者績陽彊力四征重丘遺之美女績陽之君悅之熒惑
不治大臣爭權遠近不相聽國分爲二宮室破國昔者
有洛氏宮室無常池囿廣大工功日進以後更前民不

得休農失其時饑饉無食成商伐之有洛以亡

三十五年荆人入徐毛伯遷帥師敗荆人于沛

三十七年大起九師東至于九江架鼃鼃以為梁遂伐越

至于紆廣韻二十元注引作十七年御覽三百五引作

征犬戎大起九師東至于九江恨賦注引作周武王三十七年又架鼃鼃初學記藝文類聚文選注俱引作此

抱朴子曰穆王南征一軍盡化君子為猿為鶴小人為

沙為蟲

荆人來貢

三十八年魯侯潰薨舊在四十五年今正

魯世家曰魏公五十年卒子厲公擢立世本作瞿

三十九年王會諸侯于塗山

左傳椒舉曰穆有塗山之會穆天子傳曰天子宿於黃竹夢羿射於塗山祭公占

之乃宿於曲山廣宏明集引周書異記曰穆王卽位三十二年見西方數有光氣先聞蘇由所記知西方有聖人處世穆王不達其理恐非周道所宜卽與相國呂侯西入會諸侯於塗山以禳光變當此之時佛久已處世周書序曰王化雖弛天命方永四夷八蠻攸尊王政作職方卽官職方氏也文不復錄

五十一年作呂刑命甫侯于豐

書序曰呂命穆王訓夏贖刑作呂刑

史記曰諸侯有不睦者甫侯言於王

作修刑辟

惟呂命王享國百年耄荒度作刑以詰四方

王曰若古有訓蚩尤惟始作亂延及于平民罔不寇賊鵠義姦宄奪攘矯虔苗民弗用靈制以刑惟作五虐之刑曰法殺戮無辜爰始淫爲劓刵桷黥越茲麗刑并制

罔差有辭民興胥漸泯泯勞勞罔中于信以覆詛盟虐
威庶戮方告無辜于上帝監民罔有馨香德刑發聞
惟腥皇帝哀矜庶戮之不辜報虐以威遏絕苗民無世
在下乃命重黎絕地天通罔有降格羣后之逮在下明
明昧常鰥寡無蓋皇帝清問下民鰥寡有辭于苗德威
惟畏德明惟明乃命三后恤功于民伯夷降典折民惟
刑禹平水土主名山川稷降播種農殖嘉穀三后成功
惟殷于民士制百姓于刑之中以教祇德穆穆在上明
明在下灼于四方罔不惟德之勤故乃明于刑之中率
乂于民裴彞典獄非訖于威惟訖于富敬忌罔有擇言
在身惟克天德自作元命配享在下王曰嗟四方司政
典獄非爾惟作天牧今爾何監非時伯夷播刑之迪其

今爾何懲惟時苗民匪察于獄之麗罔擇吉人觀于五刑之中惟時庶威奪貨斷制五刑以亂無辜上帝不蠲降咎于苗苗民無辭于罰乃絕厥世王曰嗚呼念之哉伯父伯兄仲叔季弟幼子童孫皆聽朕言庶有格命今爾罔不由慰日勤爾罔或戒不勤天齊于民俾我一日非終惟終在人爾尙敬逆天命以奉我一人雖畏勿畏雖休勿休惟敬五刑以成三德一人有慶兆民賴之其寧惟永王曰吁來有邦有土告爾祥刑在今爾安百姓何擇非人何敬非刑何度非及兩造具備師聽五辭五辭簡孚正于五刑五刑不簡正于五罰五罰不服正于五過五過之疵惟官惟反惟內惟貨惟來其罪惟均其審克之五刑之疑有赦五罰之疑有赦其審克之簡孚

有衆惟貌有稽無簡不聽具嚴天威墨辟疑赦其罰百
鍰閱實其罪劓辟疑赦其罰惟倍閱實其罪剕辟疑赦
其罰倍差閱實其罪宮辟疑赦其罰六百鍰閱實其罪
大辟疑赦其罰千鍰閱實其罪墨罰之屬千劓罰之屬
千剕罰之屬五百宮罰之屬三百大辟之罰其屬二百
五刑之屬三千上下比罪無僭亂辭勿用不行惟察惟
法其審克之上刑適輕下服下刑適重上服輕重諸罰
有權刑罰世輕世重惟齊非齊有倫有要罰懲非死人
極于病非佞折獄惟良折獄罔非在中察辭于差非從
惟從哀敬折獄明啟刑書胥占咸庶中正其刑其罰其
審克之獄成而孚輪而孚其刑上備有并兩刑王曰鳴
呼敬之哉官伯族姓朕言多懼朕敬于刑有德惟刑今

天相民作配在下明清于單辭民之亂罔不中聽獄之
兩辭無或私家于獄之兩辭獄貨非寶惟府辜功報以
庶尤永畏惟罰非天不中惟人在命天罰不極庶民罔
有令政在于天下王曰嗚呼嗣孫今往何監非德于民
之中尙明聽之哉哲人惟刑無疆之辭屬于五極咸中
有慶受王嘉師監于茲祥刑

左傳叔向曰周有
亂政而作九刑

五十三年春二月大風地震

增

周書異記曰穆王五十三年壬申歲二月十五日

紀年
是年

辛亥經世書前
編是年壬申

平旦暴風忽起發損人舍傷折樹木山

川大地皆悉震動午後天陰雲黑西方有白虹十二道
南北通過連夜不滅穆王問太史扈多曰是何徵也對
曰西方有大聖人滅度衰相起耳穆王大悅曰朕常懼

於彼今已滅度朕何憂也當此之時佛已入涅槃也

此案

釋法琳引異記語事之有無不可知卽或有之亦穆王將崩之應與佛何涉

五十五年王陟于祇宮

史記曰穆王立五十五年崩

通志經世前編同御覽引史記曰年一百五歲衰字

記雍州長安縣周穆王陵在縣西南二十五里張恭邨

子共王繫扈立

世表世本

共王

原註名繫

元年甲寅春正月王卽位

四年王師滅密

國語曰恭王游於涇上密康公從有三女奔之其母曰

必致之於王

列女傳曰康公母姓隗氏

夫獸三爲羣人三爲衆女三

爲祭王田不取羣公行下衆王御不參一族夫祭美之

物也衆以美物歸女而何德以堪之王猶不堪況爾小

醜小醜備物終必亡康公弗獻一年王滅密韋昭曰密

志曰陰密故城在涇州鵠縣西東接縣城故密國也

九年春正月丁亥王使內史良錫毛伯遷命

十二年王陟經世前編同通志云十年又引皇甫謐云二十五年六十四

史記曰共王崩魯語閔馬父曰周恭王懿王囂立索隱

曰一作堅

懿王原註名堅

元年丙寅春正月王卽位天再旦于鄭開元占經引旦作啟

春秋感精符曰人主排斥則日夜出石氏曰日再出爲

滲光其國有兵

七年西戎侵鎬

八年魯厲公擢薨魯在十七年今移

魯世家曰厲公三十七年卒魯人立其弟具是為獻公

十三年翟人侵岐

漢匈奴傳曰懿王時王室遂衰戎狄交侵暴虐中國中

國被其苦詩人始作疾而歌之曰靡室靡家玁狁之故

豈不日戒玁狁允孔棘案此以采薇為懿王之詩說與統

十五年王自宗周遷于槐里實字記引世紀曰周懿王二十二年王室大衰自鎬徙都生非

子因居夫丘今槐里是也年異

括地志曰犬丘故城亦名廢丘水經注曰渭水又東逕槐里縣故城南縣故犬

也在雍州始平縣東南十里即周懿王所都

二十一年虢公帥師北伐犬戎敗逋

二十五年王陟通志經世前編同通志又引皇甫謐云二十年年五十

原註懿王之世興居無節號令不時挈壺氏不能共其

職諸侯於是攜德許齊風序東方未明刺無節也朝廷

其職焉○案此詩鄭諸屬之齊哀公而紀年註以屬懿王未知其說

孝王原註名辟方

史記曰懿王崩共王弟辟方立世表作孝王是為孝王

元年辛卯春正月王即位命申侯伐西戎

四年衛貞伯薨增

衛世家曰康叔卒子康伯代立世本康伯名髡宋忠曰即王孫牟也事周康王

為大夫古史考作牟伯康伯卒子考伯立考伯卒子嗣伯立嗣伯

卒子康伯立世本作康伯卒子靖伯立靖伯卒子貞伯

立世本作箕伯貞伯卒子頃侯立

五年西戎來獻馬

六年曹孝伯薨增

曹世家曰叔振鐸卒

詩說曰鴈鳩曹叔爲政有度國人美之而作是詩

子太伯

脾立太伯卒子仲君平立仲君平卒子宮伯侯立宮伯侯卒子孝伯雲立孝伯雲卒子夷伯喜立

七年

是年燕惠侯元年世家曰自召公已下九世至惠侯

冬大雨雹江漢冰牛馬死

原註是年厲王生

蔡厲侯薨增

蔡世家曰蔡仲卒子蔡伯荒立蔡伯荒卒子宮侯立宮侯卒子厲侯立厲侯卒子武侯立

八年初牧于汧渭

史秦本紀曰惡來革者蜚廉子也蚤死有子曰女防女

防生旁皋旁皋生太几太几生大駱大駱生非子以造
父之寵皆蒙趙城姓趙氏非子居犬丘好馬及畜善養
息之犬丘人言之周孝王孝王召使主馬於汧渭之間
馬大蕃息孝王欲以爲大駱適嗣申侯之女爲大駱妻
生子成爲適申侯乃言孝王曰昔我先酈山之女爲戎
胥軒妻生中湍以親故歸周保西垂西垂以其故和睦
今我復與大駱妻生適子成申駱重婚西戎皆服所以
爲王王其圖之於是孝王曰昔伯翳爲舜主畜畜多息
故有土賜姓嬴今其後世亦爲朕息馬朕其分土爲附
庸邑之秦使復續嬴氏祀號曰秦嬴亦不廢申侯之女
子爲駱適者以和西戎

九年王陟

通志經世書前編並云十五年通志云年六十五

史記曰孝王崩諸侯復立懿王太子變是爲夷王

古史紀年卷十二終